

## **Symma Juris Canonici**

Comprehensa Tribus Partibus In Qva Distincte Et Succincte Explicantur,  
quæ ad personas, negotia, & iudicia Ecclesiastica ex Canonum præscripto,  
pertinent

Agens De Rebvs Ecclesiæ Sacris, & profanis, earumque usu, acquisitione,  
conservatione, & alienatione

**Strein, Johann**

**Coloniæ Agrippinæ, 1658**

§. 1. De contractibus generatim.

---

[urn:nbn:de:hbz:466:1-61834](https://nbn-resolving.de/urn:nbn:de:hbz:466:1-61834)

## §. I.

## De Contractibus Generatis.

I. **C**ontractus aliud nihil est, quam *ultra citroque obligatio*, Græcis συναλλαγη. l. 19. *Labeo ff. de verb signif.* Sic per effectum describitur. Definitio plenior est ista. *Contractus est pactum ex quo vel utrumque, vel altera ex parte nascitur obligatio.* Dicitur 1. *pactum*, quia huic velut generi species subest. Neque enim pro synonomis accipienda sunt. 2. *ex quo, vel utrumque &c.* ut comprehendat strictè, & latè sumptos in quibus unus tanum contrahentium obligatur, quemadmodum in donatione acceptata contingit. 3. *Per obligationem intelligo tum naturalem, quæ ex ipsa rei natura oritur, & à iure civili non impeditur; tum civilem, quæ iuris humani statuto nascitur, & ab eodem iure fovetur concedente actionem parti adversus partem.* Obligatio quid sit, supra explicatum est, *Tit præc. §. I. n. 6. V. Onnatum Tr. I. Sect. 6.*

II. Contractus aliqui I. sunt nominati, alii innominati. I. *Iuris gent. iustio ff. de Pactis.* Nominati proprium, & specificum nomen habent; innominati carent. Species quatuor sunt, *Do. ut des. Do. ut facias. Facio ut facias. Facio ut des.* Reducuntur eō, qui terminis negativis explicantur *Do. ut non des. Do. ut non facias &c.* I. *Natura lis ff. de præscri. verbis.* In dubio innominatus consetur, de quo aliud non constat. l. 1. & 2 ff. *de verb signif. V. Tholos. I. 22. c. t. Connan l. 7. c. 15. V. Vesenbec l. 19. ff. tt. 5. ubi annotat. 1. huius generis Contractus, quia circa rerum commercia versan-*

*tur, actionem civilem parere, cuius propter negotiorum varietatem certa forma non sit, sed præscriptis à praetore verbis perficiatur, 2. Quoniam plura sunt negotia, quam rerum vocabula l. 4 ff. de præscri. verbis, repetiri contraetus, qui nec specificum nomen habeant, nec ad innominatos reduci possint; in quibus tamen actio præscriptis verbis locum habeat. Differunt præterea, quod Contractus nominati pariunt non solum exceptionem, sed etiam actionem, & obligationem civilem; contractus vero innominati exceptionem quidem pariunt, non tamen actionem, & obligationem civilem. l. 1. & l. 7 ff. de præctis. 2. Contractus nominati sunt bona fidei: innominati vero stricti iuris. 3. In contractibus nominatis laeta interpretatio scienda est, secundum iura ipsius contractus, in contractibus innominatis interpretatio stricta locum habet. 4. in contractibus nominatis non admittitur pœnitentia, at in innominatis admittitur. Sicut. C. de oblig. & act. 5. In contractibus nominatis metus dans causam contractui irritat illos ipso facto. At innominati non ipso facto irriti, sed irritabiles habentur. l. 1. & seq. ff. Quod metus causa. 6. In contractibus nominatis dantur actiones nominatae iuxta cuiusque propriam denominationem, pura, exempta, conducta, locata. Innominati vero, quia specifico nomine carent, nullam communicare possunt. Sed haec, ut alia quædam in iure Canonico non agnoscentur, sed iam innominati, quam nominati Contractus actionem pariunt. Bald in Rubr. C. der. permitt. V. Onnate Tract. I. Disp. 2. n. 98. & seq. 2. Alii Contractus sunt bona fidei, alii stricti iuris. In his attendimus præcise ad*

ad id, de quo convenitum est: in illis æquitati, & arbitrio Iudicis vel arbitrii multum tribuitur. Bonæ fidei sunt emptio, locatio, conductio, negotia gesta, mandatum, depositum, commodatum, pignus. Stricti iuris Mutuum, stipulatio, donatio, feudum, & similes. Institutio de alt. §. Actionum. Omnes contractus bonæ fidei esse lute Canonico docet Bald in c. i. de plus petition. & Iason in §. actionum n. 4. & in § quadruplici fin. de alt. Item Lancel. Galia. in l. 4. §. Cato ff. de verb. oblig. quibus tamen Convar. Par. 2. §. 6. de bo si in prescript. nn. 5. fortius contradicit, eò quod nullibi in Iure Canonico reperiatur improbata distin-  
tio in Contractibus bonæ fidei, & stricti iuris. 3. alii sunt gratuiti, seu lucrosi, alii non gratuiti, sed onerosi. In his onus recipiocum, in illis nullus pretij aut mercis respectus est. Onerosi sunt emptio, venditio, locatio, Societas, permutation. Lucrosi donatio, mutuum, Commodatum, pre-  
carium, depositum. Eadem est divisio quoad rem, in absolutos, & respectivos: Mutuum, & non mutuum. V. Onnatum. Disp. 24. 4. In quibusdam transfert do-  
minium etiam directum, ut in venditione, donatione, mutuo, & permutatione: in aliis non transfert nisi dominium uile, cuiusmodi est, emphyteusis, feudum, libellus: in quibusdam aliis tantum usus, ut Commodato, & precario, & locatio. aliis quibusdam, in aliis denique non ni-  
tenterio rei, ut deposito, pignore, & hypotheca. Neque enim licet depositario ut te deposita, nisi certis in casibus, ut suo loco videbimus. 5. Alius Contractus re perficitur, aliis Scriptura, seu literis, aliis verbi, aliis consensu. Re perficitur, in quo non ex sola conventione, sed ipsius re tra-

ditione obligatio nascitur. Sic fit Com-  
modatum, Depositum, Mutuum, Permu-  
tatio. Scripturâ perficitur, qui ante Scrip-  
turam ratus non habetur, uti emphyteu-  
sis, & quemcunque contrahentes absque  
Scriptura, & Notario nolunt validum el-  
se. Verbis perfici censemur, qui cum con-  
sensu certam verborum formam exigit:  
qualis est Stipulatio. Promittis dare agrum?  
Promitto. Nunquid facies? faciam. Con-  
sensu finiuntur in quibus nec certa verbo-  
rum forma, vel scriptura, nec rei traditio  
necessaria est. I. Consensu ff. de oblig. &  
alt. Talis est emptio, venditio, locatio,  
conductio, Mandatum, Societas. In his e-  
nim quamvis præter animi consensum  
verba, & res necessaria sunt; nihilominus  
solo consensu perfici dicuntur, quia nec  
certa verborum forma, nec rei, de qua  
convenit traditio ad substantiam con-  
tractus requiritur. Tholos l. 21. c. 6. Less. c.  
17. Dub. 2. Vallenf. l. 3. tt. 14. §. Tertiò alius  
Tuscbus. Continf. 985. De nudo & vestito  
pacto superius dixi. Tit. 6. § 1. Denique a-  
lius Contractus est garantigius, qui ni-  
mirum patamat habet executionem pro-  
pter adiunctum iuramentum, vel hypothecam,  
vel instrumentum publicum, quo  
conceditur potestas exequendi, non ex-  
pectata Iudicis sententia. Non garantigiu-  
m vocamus, cui ista desunt. Mol. Disp.  
71. Fagund l. 1. c. 1. n. 12.

III. Contractum facit consensus. 1. Si  
liber est, nulla vi dolo, aut iniusto metu  
extortus. 2. animo obligandi elicitus. 3.  
externo aliquo signo declaratus. Forma-  
lis, an virtualis sit, nihil attinet. Formalem  
dico ipsum actum voluntatis; Virtualern,  
qui eius vim, ac valorem continet eo fere  
modo, quo in antecedente consequens

continet.

continetur. *Fagund.* l. 1. c. 2. num. 11. & 12. Nam qui emit, V. g. velle præsumitur emere: donare, item qui rem suam alteri sponte, & liberaliter tradit. Hinc colligas licet 1. non contrahere illum, cuius affectio simula est, absque animo contrahendi. Si tamen inde damnum ortum sit, compensabit. c. Cùm apostolica dresher. c. cùm extenore eod c. Ex literis de consumac. 2. non obligari eum, qui quidem promittit, sed absque voluntate obligandi se. *VVading.* D. 1. d. 4. §. 2. *Nav.* c. 12. nu. 38. *Henrig.* l. 11. c. 13. *Az.* l. 2. c. 17. q. 9. *Fagun.* l. cit. n. 6. E contra obligari, qui habet animum obligandise, sed non fervandi. *Hugo.* D. 22. S. 4. n. 36. 3. neque illum, qui contrahere vult, & ignorat obligationem inesse contratu. *Sanch.* l. 4. *Decal.* c. 1. nu. 26. *Fagund.* l. cit. nu. 7. 4. qui sciens natu- ram Contractus, & obligationem illius, ita contrahit, ut neque velit, neque nolit obligare se, revera obligari: quia obligatio Contractui essentialiter annexa est, & qui vult antecedens, etiam velle conse- quens censemur. Contractus enim initio voluntatis est, post factum necessitatis. l. Sicut. C. de act & oblig. *Fagund.* num. 10. *Azor.* 111. l. 6. c. 12. *Comit.* l. 3. q. 3 *Onnate.* disp. 3. *Sect.* 1. *Filliuc.* *Tratt.* 33. c. 2. n. 17. *Ro-*  
*manus Confilio* 291. *Card.* *Tusbus* in *V.*  
*Contractus Conclus* 983.

IV. Contractus metu gravi extortus no-  
est iure naturali invalidus, quia non deest  
illi consensus necessarius, neque à iure po-  
litivo reprobatur. §. 1. V. si metu coactus In-  
stit. de except. l. si mulier. ff. Quod metus  
causa. & l. ul. C. de his, que vi Bonac. Tom.  
2. p. 481. *Pallavicinus* l. 5. de act hum. c. 5.  
nu. 60. Excipe casus à *Glo.* notatos c. 2. de  
his que vi, cuius generis est Matrimoniu.

dos promissa, Votum, professio religiosa,  
& contractus de rebus ecclesiæ, & renun-  
ciatio beneficii ecclesiastici: de quibus. *V.*  
*Less.* c. 17. D. 6. n. 36. *Lugo* D. 22. nu. 120 *On-*  
*nate* disp. 3. S. 13. *V.* *Azor* 3. l. 6. c. 7. Q. 1.  
Qui vero metum iniuste illatum passus  
est, in conscientia irritare potest, promis-  
sionem & contractum suum. c. 4. de his  
que vi Quæ metu, & vi fiunt, de iure de-  
bent in iurium revocati. & c. 4. ibid. Quæ  
vi metusve causa fiunt, carete debenti ro-  
bore firmatis. *Vb.* *Barb.* exiendit ad me-  
tum reverentialem piæcedentibus minis-  
aut verbetibus qui sufficiat ad rescinden-  
dos contractus. Quod tunc facilius ac-  
ceptari potest, si quod *Tit.* 1. §. 4. *Dub.* 12.  
diximus, verum est, omnem contractum,  
causa principalis fuit metus euan-  
levis, in foro conscientiae irritum esse, qd.  
*Tanner.* probat. 3. D. 4. *Dub.* 11. n. 319. *On-*  
*nate Disp.* 3. n. 234. Dixi metum iniuste il-  
latum ut intelligas, valere Contractus,  
quando per metum ex iusta causa obti-  
nentur iuxta communem DD. sensum.  
*Glo int.* *Abbas.* de his que vi Panorm &  
aliis ibid l. *Dolo* C. de inutili stipuli ult. C.  
de his, que vi. *Instit.* de except. princ. l. si  
mulier. §. ult. ff. Quod metus cau. *Vasq* 12.  
D. 27. c. 3. *Suar.* 11. de relig. l. 1. de *Voto*. c. 7.  
& L. 6. c. 27. *Nav* l. 1. *Consil.* 4. *Silv* V. Me-  
tus. q. 8. *Ivan Faber* *Instit.* ut de obligat. §.  
Nunc transcamus *Logo* Disp. 27. *Sect.* 7. n.  
115. *Vallen* l. 1. tt. 4. 6. *Comit* l. 3. p. 2. *Fa-*  
*gundez* l. 1. c. 6. nu. 3. Contractus proprii  
metum iniustum invalidi sunt. 1. matrimoni-  
um, & sponsalia. 2. dotis promissæ,  
vel solutæ. 3. absolutio ab excommunicati-  
one, & aliis censuris. 4. renunciatio be-  
neficii. 5. testimonium in testamentis. 6.  
donatio, & quicunque actus vim dona-  
tionis habet.

V. Quan-

V. Quando contrahens errat, vel decipit circa substantiam, tui, quam per se, & principaliter appetit, contractus iure naturæ iuritus est, pura, si pro gemma virtutum, vel pro vino quam emerit. Errantis enim nullus consensus est. l. 9. C. de iuris & factis ignora. Consensus autem ut nu. 3. diximus, contractum efficit. Dicxi, iure naturali iuratum esse contractum errantis circa substantiam rei, quia leges aliter statuerunt evidenter, de errore cui alterius dolus causam dedit. De qua re, quoniam validè incerta & intricata est, nolim frustra contendere. Legi potest Less 6. 17. dub. 5. & VVadingus disp. 1. Dub. 2. §. 2. Si autem contingat circa accidentem rei, & concomittentem, contractum neque infirmari, neque ut infirmetur facit. Exemplum esto. Cum velles emere visum Rhenanum, Necaricum oblatum est, quod etiam si scivisses, Rhenanum non esse, comparare voluisse. Sed actio tibi permititur contra deceptorem, ut solvat, quanti interest, dolam adhibitum non fuisse. Covar. Par. 2. Relect. c. Offessor §. 6. de bo. fi. in præscript. Medina C de rest. Q. 3. Sotol. 6. p. 3 ar. 2. Mol. Disp. 357. Concl. 4. Less l. 2. c. 17. D. 5. Recan. de si her servanda c. 3. ass. 2. Bonac. To. II. p. 478 Fagund l. 1 de Contract. c. 2. n. 5. Onnate Tr. l. Disp. 3. Sect. 5.

VI. Validus igitur contractus esse potest, cui error circa qualitatem causamredit, vel ex propria persuasione, vel alterius machinatione proveniens. Nam sic agendo manet sufficiens consensus in rem, de quâ agitur & non nisi circa qualitatem sit error. Propter iniuriam tamen protestatione contractus agere potest, ut mox dicetur. Præterea si consensus fuerit conditionalis non contrahendi, nisi talis in sub-

iecto qualitas insit, nulla conventio fiet, sive intentio formalis, sive virtualis fuerit. Contr. de Contr. Q. 57. Sanch. l. 6. de Matr. D. 18. Vallene. 3. Disp. 5. q. 20. Lugo D. 22. Sect. 6. n. 88. & 106. pun. 4. Concl. 4. Fill. Tr. 33. c. 7. n. 117. Onnate l. cit. Sect. 6. Less l. cit. Porro virtute conditionalis intentio est. 1. quando versatur circa qualitatem, quasi existentem, quæ vim habet animum, & propositum immutandi. Petrus ex g. vo- ver iter Ierosolymam, & loca Sancta, falso persuasus non nisi bidui itinere per terram abesse. Omnidò sic affectum fuisse apparet, ut propter brevitatem talis viae ac facilitatem, & non aliter vovere vellit. 2. Si error sit circa qualitatem, quæ est principale motivum pacificandi. Donas Caio, non alia ex causa, quia in quia consanguineus tuus est: beneficium promittis ideo tantum, quia eiusdem tecum cognationis esse credis: nemo dubitat, quin reverente queas, cognito errore, & deceptione. Mol. Disp. 209. Less. lo. cit. Vasqu de restit. c. 7. n. 10. Altera vero iudicandum si finis tuus sit exercere misericordiam, & te impellat opinio sanctitatis, ut huic potius, quam alteri puella dotem promittas. Obligatus enim es, sive vera sanctitatis persuasio fuerit, sive falsa, quia motivum principale fuit non honoranda sanctitatis, sed exercenda charitatis. Sotus l. 9. q. 7. ar. 2. Pe. Navar. l. 3. c. 1. num. 301. Ad dignoscendum vero, quando Contractus circa substantiam, aut qualitatem occupetur, substantia rei non est absolute consideranda, sed cum respectu ad actum voluntarium, ita ut obiectum substantiale censeatur, circa quod actus voluntarius per se, & non per accidens versatur. Vnde colligimus, quod in donationibus ut plurimum

Ccc. persona.

persona, cui donatio destinatur, obiectum principale constituit: quia illius intuitu principaliter ad exercitium liberalitatem donator excitatur. Contrarium in aliis partibus, praesertim emptione fieri compemimus. Nihil enim interesse sua quivis emperor existimat, à magno; aut patuo emat tamen, cuius utilitatem desiderat. Vendens similiter non eligit, cui merces suas vendat, sed de pretio, & luctu sollicitus cum primo quoconque contrahit. Tros Tutilusye suat, nullo discriminе habetur.

VII. Verum quia dolus nemini patrificari, aut professe debet. *I. Verū §. Tempus. ff. Pro socio*, ius habet qui deceptus est, agendi pro rescissione contractus, modo non sit indissolubilis, ut ex supra cit. *I. Si dolo. C de inut stipul. Inst. de except. §. 1.* Nā proximi suum qui dolo ludit, iniuriā & damnum facit, unde ad restitutionem obligatur, & cogi per Magistratum debet. Idem iudicium de vi per iniuriam incussa & Metu sit *I. si Mulier ff. de eo quod metus causa. Nō obstat huic sententiae, quod I. Et eleganter 7. ff. de dolo & I. 3. Pro socio ead. dicitur, bona fidei contractus dolo malo initos ipso in re nullius momenti, esse, unde sequi videtur per se, & omnimodè invalidos esse contractus alterius dolo procuratos. Etenim non de substantia Contractus, sed effectu, intelligi debet, ratione cuius nullam vim, aut robur obtinent. Neq; ideo lucrum ex dolo reportat decipiens: quia si quid commodi ad eum derivatur, nō ex dolo, sed mutuo utriusque consentiu nascitur, quem probavit natura sua validū esse. *V. Vesenbeck. I. 4. ff. te. 3. Coninck 22. Disp. 23. Dub. 9. Beccaria. c. 3. assert. 3. Az. 3. l. 6. c. 10. Laym. l. 4. Tr. 4. c. 3. n. 6. Less. c. 17. D. 1. Lugo. D. 22. Sett. & Bill. Tr. 33. c. 7. 123. Escobar. Tratt. 3. Exal. 3. c. 4.**

VIII. Contractus, cui Iuris scripti tollennitas deest, validos esse: eosdē non esse validos: partim, vel secundum quid validos partim invalidos esse, pati propemodum probabilitate assertur, ita ut unicuique quod placuerit, relinquatur electio. *Lugo. D. 22. S. 10. Illis tamen accedo promptius, qui in foro conscientiae validos esse contractus, non specialiter à Iure damnatos pronunciant, ita ut possessor bona fide retineat possit quod acquisivit, donec à iudice ad restituendum obligetur. Cum enim materia hæc practica sit, & communis usum reatur, in tanta opinionum varietate, cum res urget, licebit cuivis eam viam insistere, quæ sibi commodissima videtur, itaque omnes opiniones aliae simul concident. Supervacaneum igitur est, aliquam illarum inculcare, & obtrudere nolentibus. Additum apud Lessium c. 19. Dub. 3. plerique Theologi agnoscunt, testamentum ad pias causas factum absque formā Iure Civilis præscripta in foro conscientiae validum esse, & retineri sine scrupulo posse, quæ obvenerint. Item si de contractibus & quasi contractibus dixerimus, satisficiat legislatorum intentioni, qui reip. causa certas formas Contractibus præfixunt, quibus non servatis Index actionem negaret; simul anxiis mentibus formidinem tollemus, ut bona fide accepta, bona conservantia norint se retinere posse, ita tamen, ut propter boni publici favorem, & auctoritatem legum à iudice requisiti dimittant. *Sotol. 4. de inst. Q. 5. ar. 3. Lud. Lopez. Palacios. Henr. & Burgos de Paz. quos citat & approbat Sanch. I. 4. Consil. 6. I. Dub. 14. n. 5. & 6. Lugo. D. 22. Sett. 10. nn. 251. Az. III. l. 6. c. 9. Emm. Sa. V. Contractus num. 1. Salm. Q. 5. de dominis Aragoni.**

ann. 22. Q. 62. Escobar Tract. 3. Exam. 3.  
c. 6.

IX. Contractus ex prohibitione Iuris naturalis, vel etiam positivi omnino irritus non potest iuramento confirmari, iuxta communem DD. sententiam. Quomodo enim quod non est, confirmetur, cum non entis nulla accidentia sint? L. Contractus ff de Re. Iur. Barb. in l si quis pro socio ff de fidei suffrib. Si tamen actus circa rem natura sua non turpem veretur, ita ut contineat obligationem naturalem, vel admittat alium actum, seu promissionem non retractandi, quoad hanc, confirmari poterit, quemadmodum fusa explicat. Suar. l. 2. de iuramento. c. 29. Farin. Par. 6. Q. 160. Idem de actu prohibito principaliiter, & immediate ob favorē publicū boni communis, cui renunciare privatis hominibus non licet, iudicandum est. c. Si diligenter def. comp. L. Ius publicum ff. de pactis. c. Non est obligatorium contra bonos mores præstatum iuramentum de Reg. Iur. in 6. de qua Reg. V. Commentarium nostrum in Reg. Iur. & al. Interp. At vero quod principaliter, & immediate propter privatam alicuius utilitatem contractus prohibetur, cum absque dispendio salutis eternæ servati queat, & quilibeture suo cedere possit, iuramentum additum vires addet contractui, utpote non planè irrito, sed minimum naturaliter obliganti, quemadmodum de pupilli contractibus passim DD. affirmant. 6. 2. de pactis in 6. Aub. Sacra menta puberum. Neque obstat, quod privatorum favor cum bono publico coniunctus est, illud enim velut non magni ponderis à Iure Canonico minime attenditur. Excipe 1. nisi & contractus & iuramentum à iure irritetur. 2. con-

tractum, reprobatum odio creditoris, qui ab illo peccato, non potest quod promissum est, recipere, ut in Usuratio contingit. Quamvis enim iuramentum de soluendo uleras, cum à parte promitteret non contineat iniquitatem validum sit, non confirmat tamen promissionem factam, sed per se stans obligat, donec legitimè relaxetur. c. Quamvis de pactis in 6. c. Debitor. res de Iure iur. c. cùm contingat. eod. Az. 1. l. 11. c. 7. Barb. in Prætermis ad 11. de Iure iur. pag. 124. & in c. cit. Quamvis Reginald. l. 25. c. 4. n. 53. Tholos. l. 50. c. 5. Fill. Tr. 25. c. 7. n. 212.

X. Inter contractus iure civili tantum prohibitos qui iuramento confirmantur, est. 1. donatio omnium bonorum tam praesentium, quam futurorum. l. ult. C. de pactis. 2. donatio absque insinuatione facta. l. in hac sacratissima C. de donat. 3. donatio inter virum & uxorem Patrem, & filium. Covarr. de testam. par. 2. n. 16. 4. donatio & alienatio absque auctore tutoris à pupillo facta. l. pupillus ff. de acquir. rer. dom. 5. pactum de non revocando testamento. Less. c. 19. D. 8. 6. pactum filiae aedote cōtentia cedat iure suo succedenti in bonis paternis. c. quis 2 de pactis in 6. 7. alienatio rerū dotaliū, & quæ propter nuptias donata sunt. L. Julianus ff. de fundo dotali. Silv. V. dos. n. 1 Mol. Disp. 49. Hæc, & similia quia per se mala non sunt, sed solo civili iure propter maiori securitatē prohibita, quæ mis ut inaniam à legibus relinquitur, si tamen iuramentū accesserit, obligant, & servanda sunt, ut satis probatum est. num. præc. At vero, quæ pacta iure Canonico irritantur, intuitu libertatis ecclesiastice, nullam firmitatem ex iuramento capiunt. Irritus enim omnino cum sit con-

Cec. 2. contractus,

tractus, & promissio, qua clericus renunciat libertati sua, iuramento non confirmatur. Et si contrarium quid ererit ipse, vel alius quicunque nullum effectum sortietur. In his enim & similibus non ipsius clerici in particulari, sed totius ordinis, & ecclesiae favor attenditur cui non possunt renunciare privati. Imo quaeunque per leges Canonicas prohibentur, etiam absque irritatione, nullo iuramento confirmari possunt, quia in conscientia obligari ad sui observationem. Dynus in Reg. 58. de Reg. Jur. in 6. Az. lo. citato, & To. III. l. 6 c. 6. Reginald l. 25. n. 52. Escobar Tr. 1. Exa. 3. c. 2 Barb. in c. Sicut de iure iur. & c. Cum continet eod. Fillius. Tr. 10. c. 4. n. 122. & Tract. 1. 7. n. 195. Suarez l. 2. de iuram. c. 28. Farinac. lo. cit.

XI. Accidentum Contractui Conditionis Modus, Demonstratio, & Causa. Conditionis per particulam Si. & aequivalentes explicatur, & suspendit actum, quae explata putificatur. Itaque si certum petatur. Ex. g. Promitto, me daturum mille aureos, si ingressus fueris religionem. Modus est clausula per particulam. Ut vel aequivalentem notari solita, cuius natura est, non suspendere contractum, uti Conditionis, sed statim quod promissum est, exigi & accipiri potest data cautione de modo servando. l. Quib. h. 8. fin. & l. quib. diebus. ff. de condit. Ex. g. Lego decem millia florinorum, ut adficeretur domus hospitalis, vel erigatur Seminarium. Demonstratio est clausula, & signum notificans rem, de qua agitur ex aliquo praeterito, vel presente. Ex. g. Lego tibi libros meos, qui sunt in cista rubea. Dono villam, quae est ad radicem montis asperi. Causa est clausula adiecta significans causam finalem

Contractus, & notatur per Quia, Quoniam, & similes praepositiones. Quia negotia mea sedulò, & gna viter executus es, promitto tibi tertiam partem bonorum, meorum. Dixi significare causam finalem, non excludendo impulsivam, quae eodem pertinet. Dicitur autem propriè finalis, quae principaliter movet agitatem, & cuius gratia agimus. Impulsiva, quae facit, utcius, aut lubentius, ita ut ea absente nihil, minus fieret, quod institutum est. Angelus & Silv. V. Conditio. Laym. Tr. 4. l. 3. c. 4. Escobar. Tract. 3. Exam. 3 c 5.

XII. Conditionis ea natura est, ut contra substantiam Contractus sit, illam evertat, se eus, si contra accidentia tantum. Mynsing. in §. Hares & pure. Inst. de hered. 2. Si impossibilis sit, nihil operatur, sed in utroque iure pro non apposita habetur. §. Impossibilis Inst. de hered. c. fin. de pactis. Idem iuris est de turpi conditione, quae sine peccato confici non potest. & Vnum de condition. appos. Idem de conditione, quae à matrimonio retrahit. l. Titia ff. de conditionib. Multò magis, si a Religione avocet. Silv. V. Hereditas 4. Q. ult. A. 3. l. 4. c. 24. Nam quia dubium existere potest, an qui conditionem impossibilem, aut turpem adiecit, animū habuerit verè contrahendi, & obligandi se; consensum adfuisse indicabit Ecclesia in favorem religionis, Matrimonii, vel alterius pia cauiae. In dubiis enim id magis agere convenit, ut actus valeat, quam ut inanis, & irreitus sit. Medin de rest. Q. 23. Soto in 4. Diff. 29. Sanch. l. 5. De Matrim. D. 3. num. 18. & Barb. Axiom. 12. num. 16. Cæterum in contractibus temporalibus regulariter virtute conditionē impossibilem aut turpē. Silv. ait in V. Conditio nn. 8. cū Glo. in c. fin. de con-

de conditionibus. & colligitur ex l. impossibili. ff. de verb. oblig. ubi ratio insinuator, quia omnium ea cogitatio est, ut nihil agi existimat, apposita eā conditione, quam sciant esse impossibilem. Nam talis conditio disensum potius, quam consensum indicat. Quod intellige, sive conditio re ipsa, sive jure impossibilis sit, hoc est, illie ita & turpis. Neque excipi debent ultimae voluntates, nisi per alium actum & equipollentem apposita conditio adimpleri possit. V. Gail l. 2. obs. 4. n. 15. Lessius c. 18. Dub. 15. num. 121. Comitol. l. 1. quæst. 113. num. 3. Tusculum V. Conditio Conclus. 591. Mynsing. § impossibilis. Inflit. de hered. Schneidev. ibid.

XIII. De modo Bart tradit in l. 2. § fin. de donat. si fuerit causa finalis in donatione, vel contractu, nec impleatur, revocari posse. Dedi pecuniam, ut templum extueretur, repeto, quia non fit. Si autem fuerit causa impulsiva tantum, non revocatur contractus etiam modo neglecto. l. Merius ff. de manumissionibus. Idem dicendum, si ex mente donantis colligipossit non velle obligare ad modum, sed tantummodo allicare. In dubio an fuerit causa finalis, vel impulsiva tantum, pro favore piz. causæ judicandum est. ita, ut finalis causa loco illa vnde fuisse presumatur. Filiut. tract. 33. c. 10. num. 176. Quod si modus substantiae contractus sit contrarius, annihilat illum: si autem impossibilis, aut turpis, non viciat, sed habebitur pro non adjecto, quemadmodum de conditione dixi n. præced. Mol. Disp. 208. V. modus impossib. Sanchez. l. 5. de metris. Disp. 19. num. 5. Reginald. l. 2. 5. c. 5. n. 63. Filiut. tract. 10. part. 1. c. 4. Barb. in tr. de dictionib. num. 479. Lazm. l. 3. 37. 4. 6. 4.

XIV. Demonstratio contractui adjecta, comperta illius falsitate, actum, & contractum viciat. l. Quintus Mutius ait. ff. de auro, & argento leg. nisi ex verbis præcedentibus sufficienter de re cognoscatur. Ex. gr. Dono tibi libros meos, qui sunt in cistâ rubrâ: si constet aliunde, quos, qualesve libros habuerim, ubicumque etiam extra cistam reperiantur, tui erunt. Si autem nec quos, nec quales libros habuerim, constet, immo dubitetur an ullos unquam, & demonstratio fallat, corruere etiam donationem necesse est. Silv. V. conditio. q. 7. Reginald. l. cit. nu. 64. Mol. D. 211. Azor. III. l. 4. c. 24. q. 3. ubi plura in hanc rem exempla colligit. Filiut. tract. 33. c. 10. num. 179.

XV. Denique causam quod attinet, illa non substantiale, propter quam solam contrahere voluisti, promissio nulla est, quia contractus ex intentione agentium sortiuntur valorem, & speciem suam. Igitur quando contrahentis intentio conditionalis est, ut in proposito, & nulla conditio inest, inanis conventio redditur. Nihilominus si post factum cognito defectu veller quis stare promissionis, eamque ratam manere etiam sine conditione, & causa, non minus valebit, quam si ab initio cum tali intentione elicita foret. Silv. V. pactum q. 4. Navar. c. 18. num. 6. Molina Disp. 209. Filiut. tract. 33. c. 5. 10. num. 178. Barbos. Axiom. 37. In gratuitis, ubi motivis quibusdam ad finem praesumum impellimus, si illa substantia, & intellectus aliquid ad finem illum imperit, quo cognito tamen nollemus a statu valere, adhuc manebit valida dispositio. Nam in gratuita dispositione voluntas innititur motivis cognitis, ita ut

CCL. 33 action

S. I. DE CONTRACTIBVS GENERATIM.

aq[ue]o inde procedens valeat etiam ad transferendum dominium. Neque obesse potest ignorantia alicujus circumstantiarum, quae cognita posset immanutare propositum. Hoc enim impertinens, & minimè necessarium est, ad liberalem donationem. Alias omnium circumstantiarum habenda cognitio esset, quod modum agendi nostræ mentis excedit. Quamobrem communid. sensu valida censetur eleemosyna quandocumque intuitu misericordiae principaliter expenditur, etiamsi obveniat pauperi flagitiousissimo, cui minimè voluisse largiri, nisi ignorasse. Medina de ref. q. 24. concil. 1. Adria. in 4. de refit. Reginald. num. 66. Pe. Navarr. l. 3. c. 1. num. 30. Baldus. Consil. 402. Calder. Consil. de translat. Prelat. Tuschus. Concl. 137. Castrensi. l. 2. Consil. 134. Barlos. Axiom. 40. Card. Lugo Disp. 22. Sect. 7. n. 12. 4

XVI. Contractum duo mala infestant Culpa, & Fortuna: hujus incursum nec prævidere, nec evitare possumus. Glossa in l. si quis s. quesitum ff. si quis cautionib. Paxor. Angel. Azor, alii. Illa ex legibus reos facit, innoxia tubinde conscientia. Dividitur in latam, levem, & levissimam. Latam est, omisssae curam, in rebus alienis, quam quilibet etiam parum diligens suis adhibere solet. Levis, omisso cura ordinariæ, & communis. Levissima ejus, quam diligentissimi adhibere solent. Tholos l. 21. c. 22. Layman l. 3. tract. 4. c. 7. Ubi, & quomo-  
do locum habeat, ex tribus sequentibus Regulis cognoscere licet. 1. In Contrac-  
tu, qui in solius accipientis utilitatem institutus est, non tantum ex culpa lata tenetur accipiens, sed etiam ex levi, & le-  
vissima l. contractus ff. de Reg. Iur. & c. 1. de  
commodato. Excipe Precarium, quia pro-

libitu revocari potest. 2. Quando contra-  
ctus in utilitatem solius dantis est, non  
tenetur accipiens, nisi ex dolo, & culpa  
lata: puta, in Deposito l. cit. Contractus  
l. si ut certò s. interdum ff. commodati. Sibi  
enim imputare debet, qui non elegit, ma-  
gis fidum, & sollicitum. Si autem Depo-  
situm in solius accipientis gratiam, & u-  
tilitatem fieret, ex culpa etiam levissima  
teneretur: si pro pretio in utriusque fa-  
vore, de levi tantum. 3. Si contractus  
in utriusque utilitatem fiat, eiusmodi est  
Locatio, Societas, Emphyteusis, pignus,  
& similes, obligatio satis faciendi nascitur  
ex culpa non tantum lata, sed etiam levi,  
non tamen levissima DD. ad l. cit. contra-  
ctus. & l. si ut certò s. nunc videndum ff. com-  
modati. Contingere tamen potest subin-  
de, ut advocatus, & alius quilibet artifex  
non quidem ratione Contractus præci-  
se, sed erroris, & deceptionis ex jactan-  
tia, & præsumptione etiam delevissima  
culpa teneatur: si nimis vel excludat  
alium, qui pro eodem pretio diligentissi-  
mam operam offerebat, vel si ipsa rei con-  
ditio maximè accuratam operam exig-  
bat, ut si gemma aliqua polienda, & for-  
mandata esset. V. V. Esenbec. l. 16. ff. 11. 3. c. fin.  
Rebell. de oblig. iust. l. 1. c. ult. Reginald. l. 10. c.  
3. Navar. c. 17. Azor. III. l. 6. c. 4. Filliat. trah.  
33. c. 8. & 9. Soto l. 4. q. 6. art. 2. Lebini c. 7.  
Dub. 8. Tholos. l. 21. c. 11. & 12. Layman. l. cit.  
Fagundez l. 1. c. 9.

NOTA. Quod Contractus innomina-  
tos attinet, idem de illis judicium est, ob-  
servando analogiam, quam habent cum  
Contractibus nominatis. Bart. in l. quod  
Nerva. ff. depositi q. 4. Ang. & Silv. V. Loca-  
tio Fill. lo. cit. Exemplum esto in eo, qui rem  
suam dedit inspectori, ut de valore illius,  
& pre-

Srecio inquirat. Hic enim non tene-  
rit, nisi ex culpa lata, quia in solius dan-  
tis utilitatem conventum est.

XVII. Peccatur etiam in Contracti-  
bus non raro contra scientiam per fictio-  
nem scilicet & vitiosam intentionem,  
puta, 1. quando contrahentes nihil  
aliud agere intendunt, quam quod  
extrinsecus appareret, ita ut animus verè  
paciscendi, & se obligandi desit. 2. cum  
de pretio quidem convenitur, sed admis-  
sum vili; animus vero est, rem donare.  
Ex.gr. si equum generosum pro 10. fio.  
relinquas, 3. quando simulant unum con-  
tractum. V.g. cambium, re ipsa verò aliū  
conficiunt, qui usurarius est sub titulo  
mutui. 4. fieri potest, ut habeatur pro si-  
mulato, qui revera non est simulatus, ut  
sinon fuerit juratus, extra consuetum  
locum, vel nocturno tempore factus. 5. si  
quis fingat, se alteri donare fundum con-  
ficio publico instrumento, ut donata-  
rius suscipere possit sacros ordines, po-  
ste vero reddat illum donanti, ex instru-  
mento etiam publico antea confecto,  
quo ad id obligatur. Denique quando  
contrahentes simulant unum contra-  
ctum, revera autem alium conficiunt.  
De his certum est 1. graviter peccare con-  
tra legem Naturæ faciendo aliis, quod  
fieri sibi nolunt. 1. si quis testamentum C.  
de inoff. testam. 2. non tamen obligari in  
conscientia, quando contractus volun-  
tarii defectu nullus est. 1. in summa. ff. de  
condit. indebiti; 2. in foro externo autem  
nulla simulationis ratione habita, ut verè  
contractus acceptabuntur, nec, exceptio  
admittetur. 1. i. ff. de patris. 4. quicquid ex  
simulato contractu damni provenit,  
compensandum, & restituendum esse:

quia bono, & quo non convenit, aut  
lucrari aliquem cum damno alterius, aut  
damnum sentire per alterius lucrum. 1. ius  
ref. de iure dōtium. Neque si per jocum,  
aut demonstrandi intellectus gratia tibi  
dixero. Spondes? & tu responderis, Spō-  
nde, nascitur obligatio 1. 2. ff. de oblig. Et me-  
ritò Baldus contractum sine intentione  
requisita formatum appellat corpus sine  
anima. Molini Disp. 252. num. 4. Lugo Disp.  
22. Sect. 6. Eagundez. l. 1. de contractibus c. 20.  
Alvarus l. 2. de planctu Eccl. art. 42. Toleitus l.  
8. c. 47. & sequentibus. Azor. III. l. 6. c. 12.  
Lesius c. 18. D. 17. num. 132. Lorich. V. Contrat-  
bus num. 4. Fili tract. 33. c. 7. num. ult. Suar.  
Toms. III. de Relig. c. 19. nnm. 2. Onnate tract.  
1. Disp. 3. num. 30. Antonin. part. 2. tt. 1.  
c. 8. §. 15.

## §. II.

## Satisfie Dubiis de Contractibus.

DUB. 1. An Princeps obligetur ex:  
Contractu cum Subditis suis inito?  
Resp. Ex omni Contractu, & quasi  
Contractu, sive cum æqualibus, sive cum  
subditis suis inito Principem teneri, nec  
posse salva justitia, & conscientia reniti.  
c. 1 de probat. Nam 1. explorati juris est in:  
contractu συγάλλαγμα eslē, quo non, ut  
accidente, sed forma essentiali constitua-  
tur. Quemadmodum igitur Principi sub-  
ditus, ita subdito Princeps ex Contractu  
obligatur. Relatorum eadem ratio est.  
2. In contrahendo Princeps non uti  
Princeps, sed privati civis instar consideratur.  
Unde communi aliorum civiū  
lege agere, & condicere debet. Alias non  
inveniet, cum quo paciscatur. 3. Leges  
Contra-